



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Örigenus Tōn Eis Tas Theias Graphas Exēgētikōn Apanta Ta Ellēnisti Heuriskomena**

Cui idem præfixit Origeniana, Tripartitum opus, quo Origenis narratur vita,  
doctrina excutitur, scripta recensentur

**Origenes**

**Rothomagi, 1668**

I. Variis Origenis scriptionibus suus ordo, sua tempora ex Eusebio  
assignantur.

**urn:nbn:de:hbz:466:1-25059**

## CAPVT QVARTVM.

QVO ORDINE, QVIBVS TEMPORIBVS ORIGENIS LIBRI  
LVCVBRATI SINT EXPLORATVR.

I. Variis Origenis *scriptio* *libris* *suis* *ordo*, *sua* *tempora* *ex* *Eusebio* *assignantur*. II. *Quo* *tempore* *Tetrapla*, *Hexapla*, & *Octapla* *concinna* *verit*, *investigatur*. III. *Notantur* *non* *nulla* *circa* *ordinem* *ac* *tempus* *Exegeticon*, *ac* *Syntagmatum* *ipsius* *quorundam*. IV. *Distin* *guuntur* *eiusdem* *Homiliae* *extemporales*, & *in* *otio* *elaboratae*.

I. **S**I temporum effugisset injuriam liber ille Eusebij De vita Pamphili, in quem libro-  
rum Origenis indicem insererat, argumento huic quod persequimur magna lux  
accederet: quo quoniam caremus subsidio, quid in ipsius Historia nobis opis si-  
tum sit videamus. Hunc enim, ut in reliquis quæ ad Origenem pertinent, ita hæc etiam in  
parte ducent præcipue spectabimus, in qua nobis proposuimus investigandum, quo ordine  
singuli Adamantij libri, quorum memoria superest, quibus temporibus fuerint lucubrat.  
Quæ prior ergo ab eo celebratur Adamantij scriptio, ij sunt Commentarij in veteres Phi-  
losophos, qui diuturnitate temporis omnes interciderunt. Proximæ commemorantur  
Scripturæ sanctæ interpretationes, quarum non contemnenda pars ad hanc diem servata  
est. Sacra volumina non longe post initia Alexandri commentarijs explicare eum cepisse  
reperio. Ac primum à Iohannis Evangelio auspiciatus est, in eumque priores quinque To-  
mos Alexandriæ composuit; necnon in Genesim priores octo & Duodecim. Quinetiam  
viginti quinque priores Psalmos, & Ieremiæ Threnos ibidem expositionibus illustravit; in  
hisque sese libros De resurrectione iam ante elaborasse significavit. Libros quoque *de*  
*opibus*, & *spiritu* *sanc*, antequam Alexandria excederet, composuit. Adepto Imperium Maxi-  
mino, librum edidit De martyrio. Eo vero sublato, cum rerum potiretur Gordianus, in  
Italiam & Ezechielem commentatus est in Casariensi secessu. Meminit præterea Eusebius  
Epistolæ ad Africanum, quæ historiae Susannæ fides & auctoritas propugnatur: tempus vero  
quo data ipsa est, non assignat. Refert illud Petavius ad annum Christi 222; quo anno  
Imperium cepit Alexander; cur ita sentiret, neutiquam adscripsit. At cum Nicome-  
diæ scripta sit præsentis Ambrosio, datam illam conjicio Imperium tenente Gordiano, an-  
num ætatis agente Origene circiter quinquagesimum secundum, cum Casarea Athenas  
profectus, Nicomediæ Ambrosium obiter adiit. Postquam migravit Athenas, inchoatos in  
Ezechielem Commentarios ad umbilicum perduxit: Cantici vero Canticorum exposi-  
tionem aggressus, lucubratis prioribus quinque libris, reliquos quinque Casream redux  
E absolvit. Anno Philippi tertio sexagenarium annum prætergressus Homilias ex ore  
suo, dum concionaretur, à notarijs excipi tum primum passus est. Vnde constat bonam  
earum partem, quæ ad nostram ætatem transmissæ sunt, non ab alio esse tempore repeten-  
das. Homilia puta in Psalmum 82, cujus fragmentum ex Eusebio depromimus, adversus  
errorem Hellesaitarum hæc ætate exortum habita est. Hæc ipsa tempestate Celsum libris  
octo consutavit; in Matthæi Evangelium, & Prophetas Duodecim commentarios concin-  
navit; plurimas etiam Epistolas ad Philippum Imperatorem, & ad conjugem ipsius Seve-  
ram, aliosque complures dedit, quæ sparsim in eo libro Eusebij suis temporibus assi-  
gnantur.

II. Tetraplorum & Hexaplorum, quorum mentionem fecit Eusebius libr. 6. Histor.  
cap. 16. cui temporis adjungenda sit descriptio, statuere promptum non est. Factum id si-  
gnificare videtur Eusebius multo antequam Alexandria Origenes excessisset, tunc nimi-  
rum cum Ambrosium ad Christi fidem convertebat. Epiphanius autem Tyri lucubrata ea  
non semel asseveravit. Ego vero aliud rei huic tempus deputo, quando scilicet Christia-  
nos vexante Maximino Casream Cappadociæ ad Firmilianum confugit Origenes. A lu-  
liana enim liberaliter exceptus & domo & Bibliotheca à Symmacho olim instructa, ad  
eam deinde hæreditatis jure transmissa, nactus illic est Scripturæ sacræ exemplaria, quibus  
usus fuerat Symmachus. Tum vero Codices ipsam confixisse inter se & conjunxisse proba-  
bile est: sed cum institutum opus per angustias temporis ibi absolvere non posset, supre-  
mam ipsi manum in otio Tyrio imposuisse. Non quod de iis cogitasse Origenem tum pri-  
mum putem; sed Alexandriæ fortasse prius animo informata, Casarea Cappadociæ in-